

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE**

**Broj: 01-**45-3468**/23**

\*\*\*\*\*  
**ZAPISNIK  
S TRIDESETE SJEDNICE  
GRADSKOG VIJEĆA ZENICA  
održane 08. FEBRUARA 2023. godine**  
\*\*\*\*\*

**februar, 2023. godine**

**ZAPISNIK S 30. SJEDNICE GRADSKOG VIJEĆA ZENICA,  
ODRŽANE 08.02.2023. GODINE**

Sjednica je počela s radom u 10.15 sati.

Sjednicom je predsjedavao Mirza Husetić, predsjedavajući Gradskog vijeća Zenica.

Nakon uvodnih pozdrava predsjedavajući Vijeća je konstatovao da 30. sjednici Vijeća prisustvuje 24 vijećnika, te da Vijeće može punovažno odlučivati. U svojstvu gostiju sjednici su prisustvovali Almir Babajić, delegat u Domu naroda PFBiH, Nedžad Brkić, član GO SDP BiH i Daut Bajramović, programski službenik Misije OSCE-a u BiH.

Prije prelaska na utvrđivanje Prijedloga Dnevnog reda za današnju 30. sjednicu Vijeća, prisutni su učenjem fatihe i minutom šutnje odali počast žrtvama zemljotresa u Turskoj i Siriji. Novoizabrani vijećnici Amel Šišić i Sefedin Hrustić dali su svečanu izjavu vijećnika čime su preuzeli prava i dužnosti člana Gradskog vijeća Zenica.

Za 30. sjednicu Gradskog vijeća Zenica predložen je sljedeći

**DNEVNI RED:**

- 1. Zapisnik s 29. sjednice Gradskog vijeća Zenica, održane 16.01.2023. godine**
- 2. a) Prijedlog Budžeta Grada Zenica za 2023. godinu s obrazloženjem  
b) Prijedlog Odluke o izvršavanju Budžeta Grada Zenica za 2023. godinu s obrazloženjem**  
IZVJESTILAC: Fatima Vojvodić, pomoćnica Gradonačelnika za finansije
- 3. Prijedlog Programa rada Gradskog vijeća Zenica za period 01.01. do 31.12.2023. godine**  
IZVJESTILAC: Selver Keleštura, sekretar Gradskog vijeća po ovlaštenju
- 4. Prijedlog Odluke o osnivanju prava građenja na gradskom građevinskom zemljištu radi izgradnje objekta i uspostave Službe hitne medicinske pomoći sa pratećim sadržajima u gradu Zenica**  
IZVJESTILAC: Selver Keleštura, sekretar Gradskog vijeća po ovlaštenju
- 5. Prijedlog Odluke o izmjeni površine i oblika građevinske parcele i prodaji gradskog građevinskog zemljišta u vlasništvu Grada Zenica Muhadri Bajramu putem neposredne pogodbe**  
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 6. Prijedlog Zaključka o davanju saglasnosti fizičkom licu Zuhri Bajramović za pozicioniranje bespravno izgrađenog stambenog objekta**  
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 7. Prijedlog Odluke o prodaji građevinskog zemljišta putem neposredne pogodbe**  
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 8. Imenovanje pet članova Gradske izborne komisije Zenica**  
IZVJESTILAC: predstavnik Komisije za izbor i imenovanja

Izveštaji komisija Gradskog vijeća vijećnicima su dostavljeni pred sjednicu.

Vijećnica Emina Tufekčić predložila je da se u prijedlog dnevnog reda uvrsti prijedlog zaključka koji glasi:

Da se Gradskom vijeću dostavi informacija o postupanju JU „Dom-porodica“ i JU Centar za socijalni rad Zenica u slučaju Anandi Šuvalić i Elmedina Kulačića.

Vijećnici su se izjasnili glasanjem o predloženoj dopuni sa 8 glasova „ZA“, bez glasova „PROTIV“ i 17 glasova „UZDRŽAN“.

Vijećnici su se zatim izjasnili glasanjem o Prijedlogu Dnevnog reda za 30. sjednicu Vijeća i isti usvojili s 20 glasova „ZA“, 1 glasom „PROTIV“ i 5 glasova „UZDRŽAN“.

#### **Tačka 1. Zapisnik s 29. sjednice Gradskog vijeća Zenica, održane 16.01.2023. godine**

Zapisnik s 29. sjednice Gradskog vijeća Zenica usvojen je bez rasprave s 21 glasom „ZA“, bez glasova „PROTIV“ i 3 glasa „UZDRŽAN“.

#### **Tačka 2. a) Prijedlog Budžeta Grada Zenica za 2023. godinu s obrazloženjem b) Prijedlog Odluke o izvršavanju Budžeta Grada Zenica za 2023. godinu s obrazloženjem**

Uvodne napomene za ovu tačku dnevnog reda dali su Fatima Vojvodić, pomoćnica Gradonačelnika za finansije i Fuad Kasumović, Gradonačelnik Grada Zenica.

Pojedinačne amandmane na Prijedlog Budžeta Grada Zenica za 2023. godinu podnijeli su vijećnici Zeld Dizdarević, Namir Škaljo i Elmir Duvnjak, te Klub vijećnika Zenička inicijativa-Kasumović Fuad, dok su klubovi vijećnika SDP, NiP i NB i Osman Šuvalić, nezavisni vijećnik podnijeli zajedničke amandmane na Prijedlog Budžeta. Izjašnjenje predlagača o amandmanima vijećnicima je dostavljeno pred sjednicu.

U raspravi o ovoj tački dnevnog reda učestvovali su vijećnici: Vernes Menzilović, Aida Halać, Šerif Patković, Namir Škaljo, Ekrem Tuka, Denan Pašalić, Emina Babić, Elmir Duvnjak, Sanjin Aldobašić, Elvis Alijagić i Emina Tufekčić. U raspravi je, također, učestvovao Fuad Kasumović, Gradonačelnik Grada Zenica. Gradonačelnik u svojstvu predlagača nije prihvatio amandmane vijećnika Zelde Dizdarević, Namira Škalje i Emine Tufekčić, te Amandman 2 vijećnika Elmira Duvnjaka, pa su se isti izjasnili da ostaju pri uloznim amandmanima. Predlagač je prihvatio amandmane koje su podnijeli klubovi vijećnika SDP, NiP, NB i Osman Šuvalić, nezavisni vijećnik, te Klub vijećnika Zenička inicijativa-KF, pa su isti odustali od traženja izjašnjenja Vijeća o predmetnim amandmanima.

Prije glasanja o amandmanima na Prijedlog Budžeta Grada Zenica za 2023. godinu, predsjedavajući Vijeća Mirza Husetić je, na prijedlog više klubova vijećnika u Gradskom vijeću Zenica, dao pauzu u 12.51 sati u trajanju od 10 minuta, pa je sjednica nastavila s radom u 13.08 sati.

Nakon pauze vijećnici su se glasanjem izjasnili o amandmanima na Prijedlog Budžeta Grada Zenica za 2023. godinu kako slijedi:

1. Amandman vijećnice Zelde Dizdarević za otvaranje nove pozicije „Sufinansiranje stambenog zbrinjavanja mladih bračnih parova“ u iznosu od 200.000,00 KM, nije prihvaćen sa 8 glasova „ZA“, bez glasova „PROTIV“ i 18 glasova „UZDRŽAN“;
2. Amandman vijećnika Namira Škalje za otvaranje nove pozicije „Učešće u sufinansiranju rada Gorske službe spašavanja Zenica“ u iznosu od 10.000,00 KM, nije prihvaćen s 9 glasova „ZA“, bez glasova „PROTIV“ i 18 glasova „UZDRŽAN“;
3. Amandman vijećnice Emine Tufekčić za otvaranje nove pozicije „Sanacija i uređenje spomen-obilježja "Kameni spavač" u iznosu od 100.000,00 KM“, nije prihvaćen s 11 glasova „ZA“, bez glasova „PROTIV“ i 18 glasova „UZDRŽAN“.
4. Amandman 2 vijećnika Elmira Duvnjaka: „da se u rashodovnoj strani budžeta u dijelu B-2 poseban dio - rashodi i izdaci po budžetskim korisnicima umanju stavka 17 "Nabavka građevine za potrebe gradske uprave" za 130.000 KM, te da se za taj iznos uveća stavka broj 149. Transfer za zdravstvo - JU Apoteke Zdravlje Zenica“, nije prihvaćen sa 9 glasova „ZA“, bez glasova „PROTIV“ i 18 glasova „UZDRŽAN“.

Nakon izjašnjenja o amandmanima, vijećnici su se izjasnili glasanjem o Prijedlogu Budžeta Grada Zenica za 2023. godinu i isti usvojili s 22 glasa „ZA“, 3 glasa „PROTIV“ i 3 glasa

„UZDRŽAN“, te Prijedlogu Odluke o izvršavanju Budžeta Grada Zenica za 2023. godinu i isti usvojili s 21 glasom „ZA“, 2 glasa „PROTIV“ i 3 glasa „UZDRŽAN“.

Vijećnici su se potom izjasnili o prijedlozima zaključaka proizašlim iz rasprave kako slijedi:

1. Prijedlog Zaključka vijećnika Vernesa Menzilovića „Gradsko vijeće Grada Zenica zahtijeva od Ministarstva za rad, socijalnu politiku i izbjeglice Zeničko-dobojskog kantona da poveća iznos budžetskih sredstava za finansiranje Javne ustanove „Dom-porodica“ Zenica za 10% u stavci finansiranje smještaja i boravka djece u ovoj ustanovi“, prihvaćen je s 28 glasova „ZA“, bez glasova „PROTIV“ i bez glasova „UZDRŽAN“.
2. Prijedlog Zaključka vijećnika Vernesa Menzilovića „Gradsko vijeće Grada Zenica zahtijeva od Vlade Zeničko-dobojskog kantona da u Nacrtu Budžeta za 2023. godinu planira povećanje budžetske stavke „transfer za plate ustanovama kulture“ u iznosu od 10%“ prihvaćen je s 29 glasova „ZA“, bez glasova „PROTIV“ i bez glasova „UZDRŽAN“.
3. Prijedlog Zaključka vijećnika Ekrema Tuke „Obavezuje se resorna služba Grada Zenica da, u saradnji sa Zeničko-dobojskim kantom, pripremi program/projekt za stipendiranje nadarenih studenata Grada Zenica, kojim će se Grad i Kanton obavezati da će stipendirane studente po završetku školovanja zaposliti, a stipendisti da će, po zasnivanju radnog odnosa, vratiti uplaćeni iznos stipendije“, prihvaćen je sa 29 glasova „ZA“, bez glasova „PROTIV“ i bez glasova „UZDRŽAN“.
4. Prijedlog Zaključka vijećnika Namira Škalje „Gradsko vijeće Zenice zahtijeva od Vlade Federacije Bosne i Hercegovine da predloži izmjene Zakona o radu, kojim bi se omogućilo sljedeće:
  - Da radnici osposobljeni za uloge spasilaca od elementarnih nepogoda imaju pravo na plaćeno odsustvo s posla u okolnostima njihovog učešća u akcijama spašavanja u zemlji i inostranstvu;
  - Da Vlada Federacije BiH poslodavcima nadoknadi dnevnice za radnike -osposobljene spasioce koji učestvuju u akcijama spašavanja za vrijeme odsustva“, prihvaćen je sa 29 glasova „ZA“, bez glasova „PROTIV“ i bez glasova „UZDRŽAN“.

### **Tačka 3. Prijedlog Programa rada Gradskog vijeća Zenica za period 01.01. do 31.12.2023. godine**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnik Namir Škaljo i Selver Keleštura, sekretar Gradskog vijeća po ovlaštenju. Obradivač je prihvatio prijedlog Komisije za obilježavanje značajnih datuma, događaja i ličnosti da se u Prijedlog Programa rada Vijeća za 2023. godinu uvrste Nacrt Pravilnika o kriterijima i postupku za određivanje naziva ulica, trgova, mostova i parkova na području grada Zenica i Prijedlog Programa obilježavanja značajnih datuma, događaja i ličnosti.

Po zaključenju rasprave, vijećnici su se izjasnili glasanjem o Prijedlogu Programa rada Gradskog vijeća Zenica za period 01.01. do 31.12.2023. godine s navedenom dopunom i isti usvojili s 27 glasova „ZA“, bez glasova „PROTIV“ i bez glasova „UZDRŽAN“.

Predsjedavajući Vijeća Mirza Husetić u 13.33 sati dao je pauzu u trajanju od sat vremena, pa je sjednica nastavila s radom u 14.52 sati.

### **Tačka 4. Prijedlog Odluke o osnivanju prava građenja na gradskom građevinskom zemljištu radi izgradnje objekta i uspostave Službe hitne medicinske pomoći sa pratećim sadržajima u gradu Zenica**

Nije bilo potrebe za uvodnim napomenama.

Predstavnici JP za prostorno planiranje i uređenje grada „Zenica“ d.o.o. Zenica vijećnicima su prezentovali idejni projekat objekta Službe hitne medicinske pomoći sa pratećim sadržajima u gradu Zenica.

U raspravi o ovoj tački dnevnog reda učestvovali su vijećnici: Faruk Hodžić, Denan Pašalić, Elvis Alijagić, Aida Halać, Emina Babić i Emina Tufekčić. U raspravi su učestvovali Fuad Kasumović, Gradonačelnik Grada Zenica i Sumea Mujkanović, pomoćnica Gradonačelnika za socijalnu zaštitu, stambene poslove i društvene djelatnosti, dajući određena pojašnjenja.

Po zaključenju rasprave vijećnici su se izjasnili glasanjem o Prijedlogu Odluke o osnivanju prava građenja na gradskom građevinskom zemljištu radi izgradnje objekta i uspostave Službe hitne medicinske pomoći sa pratećim sadržajima u gradu Zenica i isti usvojili s 26 glasova „ZA“, bez glasova „PROTIV“ i bez glasova „UZDRŽAN“.

#### **Tačka 5. Prijedlog Odluke o izmjeni površine i oblika građevinske parcele i prodaji gradskog građevinskog zemljišta u vlasništvu Grada Zenica Muhadri Bajramu putem neposredne pogodbe**

Nije bilo potrebe za uvodnim napomenama.

U raspravi niko nije učestvovao.

Vijećnici su s 26 glasova „ZA“, bez glasova „PROTIV“ i bez glasova „UZDRŽAN“ usvojili Prijedlog Odluke o izmjeni površine i oblika građevinske parcele i prodaji gradskog građevinskog zemljišta u vlasništvu Grada Zenica Muhadri Bajramu putem neposredne pogodbe.

#### **Tačka 6. Prijedlog Zaključka o davanju saglasnosti fizičkom licu Zuhri Bajramović za pozicioniranje bespravno izgrađenog stambenog objekta**

Nije bilo potrebe za uvodnim napomenama.

U raspravi niko nije učestvovao.

Vijećnici su s 26 glasova „ZA“, bez glasova „PROTIV“ i bez glasova „UZDRŽAN“ usvojili Prijedlog Zaključka o davanju saglasnosti fizičkom licu Zuhri Bajramović za pozicioniranje bespravno izgrađenog stambenog objekta.

#### **Tačka 7. Prijedlog Odluke o prodaji građevinskog zemljišta putem neposredne pogodbe**

Uvodne napomene za ovu tačku dnevnog reda dao je Emir Delić, pomoćnik Gradonačelnika za imovinsko-pravne, geodetske poslove i katastar nekretnina.

U raspravi o ovoj tački dnevnog reda učestvovali su vijećnici: Denan Pašalić, Aida Halać i Emina Tufekčić. U raspravi su, također, učestvovali Emir Delić, pomoćnik Gradonačelnika za imovinsko-pravne, geodetske poslove i katastar nekretnina i Selver Keleštura, sekretar Gradskog vijeća po ovlaštenju, dajući određena pojašnjenja. Komisija za prostorno planiranje i ekologiju na svojoj sjednici održanoj 07.02.2023. godine predložila je da se izvrši ponovno vještačenje predmetnog zemljišta uz minimalnu cijenu od 800 KM. Emir Delić, pomoćnik Gradonačelnika za imovinsko-pravne, geodetske poslove i katastar nekretnina pojasnio je da se predmetno zemljište ne može prodati po cijeni manjoj od procijenjene, s tim da Vijeće može odlučiti da predmetno zemljište proda po cijeni većoj od procijenjene. Sekretar Gradskog vijeća je pojasnio da nema osnova zahtijevati ponovnu procjenu vrijednosti zemljišta.

Prije konačnog izjašnjavanja vijećnika o navedenom prijedlogu Odluke, predsjedavajući Vijeća Mirza Husetić je, radi konsultacija klubova vijećnika, u 15.49 sati dao pauzu u trajanju od pet minuta, pa je sjednica nastavila s radom u 16.04 sati.

Nakon pauze i zaključene rasprave o ovoj tački dnevnog reda, vijećnici su se izjasnili o Prijedlogu Odluke o prodaji gradskog građevinskog zemljišta putem neposredne pogodbe, po cijeni od 800 KM/m<sup>2</sup> i isti usvojili s 18 glasova „ZA“, bez glasova „PROTIV“ i 6 glasova „UZDRŽAN“.

#### **Tačka 8. Imenovanje pet članova Gradske izborne komisije Zenica**

Nije bilo potrebe za uvodnim napomenama.

U raspravi niko nije učestvovao.

Predsjedavajući Vijeća konstatovao je da izvještaj Komisije za izbor i imenovanja nije prihvaćen s 8 glasova „ZA“, bez glasova „PROTIV“ i 15 glasova „UZDRŽAN“.

Sjednica je zaključena i završila s radom u 16.10 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.



PREDSEDavajući  
GRADSKOG VIJEĆA  
**Mirza Huseć**